



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Angela De Fvlginio, In Qvo Ostenditur Nobis vera via qua
possumus sequi vestigia nostri Redemptoris**

Angela <de Fulginio>

Parisiis, 1598

c. ix. De desiderio quod suit ei datum sciendi quæ esset via crucis. Et
qualiter fuit ei monstratus modus quo ad eam posset peruenire.

urn:nbn:de:hbz:466:1-43716

26 *Decimum ca. x. passus*
stitatem : & non offendere eum
cum aliquo membrorum meo-
rum:accusando de præteritis mea
membra sigillatim Et rogabam
eum, quod ipse me faceret istud
prædictum obseruare: castitatem
scilicet, & omniũ sensuum meo-
rum custodiam. Quia ex vna par-
te timebam promittere prædicta:
& ex alia parte ignis prædictus
me cogebat: & non poteram a-
liud facere.

*Nonum capitulum ix. passus. De de-
siderio quod fuit ei datum sciendi
quæ esset via crucis. Et qualiter
fuit ei monstratus modus quo ad
eam posset peruenire.*

*Vera
via cru-
cis est
spoliare
se ipsum
omnibus.*

POSTEA dabatur mihi deside-
rium querendi, quæ esset via
crucis: vt possem stare ad pedem
crucis: & inuenire refugium: ad
quam refugiunt omnes peccato-
res. Et fui illuminata, & instru-
cta, & demonstrata est mihi via
crucis isto modo: Inspiratum est
enim mihi quod si ego volebam
ire ad crucem: quod ego spolia-

rem me: vt essem magis leuis, & libera, & sic irem ad crucem: scilicet quod parcerem omnibus, qui me offendissent, & quod spoliarem me de omnibus terrenis, & de omnibus hominibus, & fœminis, & de omnibus amicis & parentibus, & aliis omnibus, & de possessione mea, & de me ipsa, & cor meum darem Christo, qui tanta bona prædicta mihi fecerat, & irem per viam spinosam, viam scilicet tribulationis. Et tunc incœpi dimittere pannos meliores, & vestes, & de cibarijs delicatioribus, & de pannis capitis similiter. Sed erat mihi adhuc satis verecundum, & pœnosum: quia non sentiebam adhuc multum de amore Dei, & eram cum viro meo: vnde amarum erat mihi, quando mihi dicebatur aliqua iniuria, vel quando fiebat mihi: tamen sustinebam patienter, sicut poteram. Factum est autem volente Deo quod illo tempore mortua est mater mea: quæ erat mihi magnum

impedimentum in via Dei, & similiter mortuus est vir meus, & omnes filii mei in breui tempore. & quia incœperam viam prædictam, & rogaueram Deum, quod me deus expediret: magnam consolationam recepi de morte eorū, quamuis eis aliquatenus condolerem: cogitabam tamen quod deinceps postquam Deus fecerat mihi gratiam prædictam, quod cor meum semper esset in corde Dei, & in voluntate eius, & voluntas Dei, & cor eius in corde meo.

Decimum capitulum. x. passus. De responsione qua ei facta fuit cum scire vellet quid facere posset quo magis Deo placeret.

DE C I M O cum quererem à Deo, quid possem facere, per quod ei plus placerem: ipse pro sui pietate apparuit mihi pluries dormienti & vigilanti crucifixus in cruce: & dicebat mihi, quod ego respicerem in plagas suas: & mirabili modo ostende-